




832689

西河十堂詩

西河十堂詩



芸香社藏板

序

余與古軒交數十年矣古軒作詩亦數十年矣其在芸香社之會課與一切題咏應酬諸作不下五七千首而絕無存稿曩年鄒耳山所選芸香詩鈔刻西河草堂詩二卷皆非古軒得意之作蓋耳山開雕時適古軒臥病不起急欲藏事不得已而於各書塾中搜葺殘稿隨意付梓致令閱者吹毛索瘢反足爲古軒累宜古軒述懷詩中有詩有人傳轉累名之句也今歲余自粵東歸里過草堂話舊

李序

一

古軒出各體詩一冊見示余心少之古軒曰數十年心血祇存此寥寥故紙餘稿悉散失矣余乃知古軒於數千首詩中再四選擇而畱此者蓋其詩學愈深則愈不敢自信所謂披沙揀金磨磚作鏡其古軒今日所臻之境與至於其詩之佳處久爲有目共賞余何贅譽耶

時在道光壬午秋九月重陽後二日愚兄楓厓氏

李宸加墨

序

事未有不知其難而能進乎道者古軒少日才氣邁越下筆千言心雄萬夫初不知爲詩之難及其壯也折節力學一屨少年豪縱氣乃知詩之律難五十後讀書愈富閱世愈深乃知詩之理難年來繹處一室習靜養疴非登山臨水輒累月不出戶乃益知詩之神與味難以故生平所爲詩不下數千首而不經焚棄者僅十之一其高足鄒君

美鏐

周序

詩中得力之故趨鄒君速成之

道光三年四月望東亭愚弟周庠書於吳陵高氏三峯園

序

昔之人無自刻其集者今則作不盈寸輒便爲劖
劖計非今人愛名之心甚於昔人也昔時敦尙文
義徃徃一篇出人爭誦之或至貴賤競寫夙昔皆
徧至今三唐兩宋之作膾炙人口者豈待其人之
自刻其集而後傳於世哉今之士大夫壇坫自雄
其遇寒素能游揚擊賞之者蓋寡一二里巷款交
則力又不足以傳其人子若孫賢愚不可知誠恐
積數十年雕肝鉢腎鏤心嘔血而出之者一旦拉

曹序

一

雜摧燒付諸不知誰何之手不得已而謀及劖劖
以冀其所作之萬一得傳於後是則今人之可哀
也予客海陵八載海陵能詩者必道古軒以是耳
古軒名最久古軒多病予性懶不相徃來今年春
始識古軒於高氏之三峯園一見若平生問刻集
未曰否否越兩月其門人鄒君來出其師詩稿屬
序于予乃得讀古軒之詩清而能適質而能婉諧
而能節其大約也予故聞古軒平昔爲詩汪洋曼
衍仗氣愛竒而所見皆優游冲澹以自然爲宗蓋

其積之數十年存不過十之一二約之又約精之益精而猶遲之不付劖劖者其亦自信其所作之必有以傳於後也鄒君受詩於古軒而欲任劖劖以傳其師之詩古軒之詩之傳固不待此而鄒君之所以厚其師者可美也已是爲序

道光五年歲次乙酉五月十有三日吳縣曹楙堅拜書於海陵講舍

曹序

二

古河州

古

江都老程張鏞





二

西河之西止水一處中有山人半生
 伏心徑間以數椽屋高下碧梧左
 右修竹藏書滿家遺文韞匱壇坫
 主持風雅徵逸詩逸於梅人淡如菊
 四十年来消受清福此辨香伊在
 云續我之快婿君之高足

古軒先生西河草堂圖贊

愚弟沈文俞圖贊撰

有十六年昔像小人走河鹵



人	賢	州	傲	學	古
古	其	驕	堂	岸	涵
弟	軒	誣	壇	于	澹
高	先	名	風	鹵	淵
筠	生	凶	疋	河	于
琴	戴	石	岳	會	出
誤	笠	室	三	高	塵
	圖	十	詠	心	貌
讚	傳	其	群	仙	清
					奇

題辭

羅克俊 夏圃

文字交游四十年春花秋月共流連一時壇坫羅
風雅淮海居然勝蹟傳

當君磊落少年時應手文章早受知奇氣不甘科
舉累全拋心力但吟詩

壯歲江濱又海濱一枝健筆走風塵要將涉歷開
詩境不作歧途慟哭人

古董先生侍養歸賣書賣硯賣金徽隨身剩有吳
鉤在恩怨消除久息機

草堂詩賸

題辭

一

磨礪豪放入和平管領風騷出性情多少才人俱
抗手先饒一着是聰明

文采風流忒炫奇相如常善病支離參苓固是長
生藥也有人間誤服時

慷慨襟期奈老何存亡聚散幾經過迴頭落落晨
星少屈指茫茫宿草多

檢點殘編仔細看一回求正一長歎癡心借問誰
相慰草莽千秋說也難

示疾維摩閉草堂關心衣鉢紹芸香殷勤弟子菟

遺稿師友淵源矢不忘

不把兒孫擾曠懷棺衾一一自安排如何身後偏

遺憾輸與劉伶死便埋傷其久奄也

纔聞脫稿授工時已報修文赴召期今日告成應

一笑果能生諾死無欺

桑梓源流徧討尋吾邦文獻不銷沉空教孤掌持

奢願未卜何年副此心鄒耳山與余輯吳陵詩彙將成而耳山歿予力不能

辦至今為憾

夏蘭紅舫

草堂詩賸

題辭

二

社結芸香四十年花晨月夕草堂前狂吟不止千

場醉今日思量一惘然

多少吟人宿草寒遺篇湮沒在登壇謂椒堂筠園本泉鶴舫厓

山豐山蔚村雨村各有遺稿

先生才氣稱難得如此門生得更

難

釋慶延霈也

結社號芸香遠近爭追從草堂開於西芝山峙其

東騷壇旗鼓無時空愧我不及參寥子如君真乃

東坡公君已去詩却畱羨君得高足報君以千秋

今日集成百回讀驚如蘭若翡翠紛雙眸山僧寶
極不忍褻薰香捧向佛前投

謝登仕 學夫

不才年十四芸社建伊始卽從諸賢後希聲辨宮
徵君具槃槃才性靈鮮塵滓加以江淮游胸襟益
恢詭少年事磅礴奇氣騰頰齒落筆千言成風雲
供役使中道才頓斂一切遂俯視百鍊鋼化柔其
柔可繞指旗鼓張西河壇坵執牛耳紛紛鷗鷺儔
如萍聚中泚忽借病謝客結庵親蠶似追隨我獨

草堂詩賸

題辭

三

親談藝無虛晷日與公瑾偕勝飲醇醪美孰吟年
復年媿不敢自是門徑粗能知未必非由此先生
今仙游感懷淚如水所幸遺編存兼得佳弟子一
諾報千秋斯人竟不死把卷細誦吟仙樂驚下里
無怪聲譽蜚爭以隨園比行見傳鈔多定貴洛陽
紙

康發祥 瑞伯

海上閒瀕許結盟昇落時與說同岑才華絢爛中
年改詩句和平閱世深校字客猶重衣鉢開藏我

已悵人琴親庵北去西河路不見高談葉水心
念念舊雨渺山河草草光陰付刹那僕本樗材成
事寡人如落葉到秋多許渾死後錢空守許丈箋
原繪有
一錢羅隱年來鬢亦皤羅丈
夏圃各有一編殘橐在不
知剗劒又誰何

常增繼香

老鳳雛爭美時花我所憐詩魂堪一慰佳句有人
傳

李慶華小白

草堂詩賸

題辭

四

湖海元龍意氣豪驟園壇坵集英髦青雲視若浮
雲淡唯有名山退步高

茫茫塵海卸風檣息影西河舊草堂還借公詩爲
公贈英雄難得此收場公吊某丈有收場
最好幾英雄之句

得到梅花豈易修輸公慧業占千秋借花自寫高
人照權當今生小傳畱

舊稿拋成故帑堆祗餘寸錦見心裁和平意境和
平句都自艱辛閱歷來

思公幾度閨神傷宿草離離滿北坵讀到題糕分

韻句淒風苦雨吊重陽

集中有與僕九日分賦之作

不刊心事付劉叉羽翼韓門一作家豈獨酬恩梨棗就辦香更肖好才華

趙琳 又璋

平生壯志久消磨老去襟懷但嘯歌珠玉九天隨
咳唾宮商一片協中和才能奪命休言薄詩到成
名豈在多難得酬恩高弟子 謂美鏐仁弟 定教不朽補
蹉跎

蕭瑞生 選樓

草堂詩贖

題辭

五

撫卷流連感不禁先生才調冠儒林嘯歌疑動鬼
神泣遊覽得知山水音晚歲以來無浪墨騷壇此
後痛亡琴可憐故紙皆鑽破辛苦披沙字字金

梨棗功能獨力當師門高誼美鄒陽 謂美鏐仁兄 酬恩

竟副千秋諾傳世常畱一瓣香座上春風同領受
山中小草亦芬芳吾廬况與西河近或可微名附

驥彰

趙瑜 漁亭

綺歲才華富中年閱歷深不堪寥落感時作短長

嗙失路唐衢淚悲秋宋玉心想當搖筆日三嘆有
遺音

賤子髫齡耳先生鬢髮蒼偶然蒙顧盼從此感揄
揚捧贄趨芸社談詩戀草堂祇憐緣太淺一別夜
臺長

遺稿皆親選寥寥手澤存斯人自今古此卷卽兒
孫饒有矜嚴意全憑仔細論何當風雨夜把酒爲
招魂

鄒衍耽吟者從遊在我先撫編期間世校字已經

草堂詩贖

題辭

六

年入室誠推爾同門幸勉旃知公應有覺含笑慰
重泉

西河草堂詩贖

五古

泰州葉兆蘭古軒氏

擬結客少年場

用鮑明遠韻

馬前金籠頭腰下珊瑚鉤相逢在道路先問恩與
仇朝射羽林獵暮爲狹邪遊倚劍崆峒巔採葯崑
崙叩萬事鴻毛輕一笑凌九州青史多英雄纍纍
高冢浮男兒但快意何必爭封侯朝露况易晞浮
雲安所求請覆三百杯一消遲暮憂

春日同人過王松樵郊居小酌

草堂詩贖

五古

一

窮鄉如空谷中有幽人居桃李自村落老屋隣樵
漁暇日一過訪客與春風俱登堂無揖讓雞犬棲
庭除妻孥不避客翦韭供園蔬床頭出家釀云是
新年儲席地坐芳草縱飲談元虛酒深霽顏貌尊
前陳璠璵贈我蟬腹硯佐我蠅頭書落落道義交
乃在羲皇初一笑出門去夕照懸林於

大水紀事

嘉慶乙丑夏匝月雨不止洪澤湖倒流激怒淮黃
水高堰三版危壩開萬馬駛下游七州縣頃刻入

釜底見水不見人茫茫數百里

吾邑西北鄉低窪當其衝夜半天吳降陸地遊蛟
龍萬廬一齊坍卷入橫流中禾稼姑勿論性命如
沙蟲全家東長綆同時沉蛟宮若非魚腹大纍纍
屍難容浩劫到枯骨墓開棺飄蓬日落人煙稀陰
慘天濛濛新鬼與故鬼相對啼悲風

淮水退一寸海水長一尺三日釣潮雨東北風不
息上司羽書馳道路流民集防水復防寇滿城無
人色穀價如水長升米錢四十弱者枵腹嘆強者
攘而食米市數十坊一閭無餘粒長官賢且能胥
有救荒策平價而捕奸法與情兩得

草堂詩賸

五古

二

飛牘報水災上達大吏聽委員乘艦來鳴鉦索供
應手板三日投饑冊未一問草草閱數村勘灾事
已竣不見鴻雁飛哀哀滿四境水來生死交水去
饑寒并誰繪流亡圖肯爲民請命

丹陽吳徵士古之任俠流上書截米舶設厰存耕
牛手無尺寸柄民瘼關綱繆一時風氣感義倉開
揚州卹隣穀萬擔是役如泛舟按戶給合勺百日

鼓腹游我亦有心士空操杞人憂

薪貴嘆

歲荒薪價騰論斤不論束百錢買十斤十斤不盈
矧客從瓜洲來江柴壓艫舳民力稍稍舒官厨索
轉迫又聞荷花塘大工草不足販豎頓居奇斷炊
一路哭

題邨塾兒戲圖

觀人始童蒙論事始微細卽小以見大此圖具深
意邨兒學傀儡狡獪寓智慧一兒秉圭立星冠曳

草堂詩賸

五古

又二

雲帔左爲執戟神右爲香案吏一爲羽士裝青詞
拜伏地面目分妍媸裝演有生氣小小朝天圖草
草遊仙記畫工非炫奇藉景以諷世試看袍笏場
亦復如兒戲

漁隱圖爲徐百圍

方桐題

憶昔客眞州僦居傍江郭老漁數十家小舟銜尾
泊捕魚以爲生魚錢日盈橐沽酒集隣翁相與共
斟酌酒酣行且歌人影散林薄此境儼畫圖畫中
人不覺吾欲從漁游苦爲塵網縛自別青山歸遂

負白鷗約西河好煙波羊裘老未着區區濠濮心
所思渺杜若今日披君圖風景宛如昨撫景觸前
遊詩興忽躍躍君家羅塘南水鄉足邱壑秋風買
棹來坐君臨水閣二三素心人李白與孫綽謂楓
厓秀
亭
酒香魚鱗肥四座觥籌錯醉鄉世界寬大可插
雙腳此境卽桃源勿羨漁家樂

雪中顧芝衫過草堂同遊東郊並訪僉澄夫

大雪壓草堂飲酒忽不樂衝寒故人來同踐東韋
約出門人蹤稀撲面北風作瓊瑤吹滿身皎如雙

草堂詩贖

五古

三

白鶴紆道訪林逋梅花壓墻角叩戶寒犬啤拂衣
懸冰落主人知客寒酒漿勸盃酌大醉臥雪中搏
雪入口嚼此時城中人擁鑪閉高閣

草堂雜咏

一株安石榴先人親手植五月照眼明花開作猩
色火齊堆千叢珊瑚高七尺呼童守花前閉門禁
攀摘主人非愛花所重在先澤

草堂有隙地次第栽三梧憶昔初栽時幹小而色
腴轉瞬三十載濃陰壓屋隅溽暑蔽炎日蒼翠沾

衣裾幾日秋風動落葉堆階除莫怨秋信早中心已
久枯樹老尙如此予衰當何如

蘭花如幽人性與凡草異貧家無黃蕤隨手植苔
砌歲歲花自開風來香撲鼻幸不生當門根株免
鋤薙自賣入朱門培養費百計花不肯受憐委靡
無生氣所以古君子出處必擇地

庾信賦小園僅有三竿竹余家草堂後琅玕如林
麓鬱鬱密成陰暑氣消三伏靜坐北窻中自覺鬢
眉綠斯時萬慮空消受清涼福寄語熱中人黃塵
草堂詩贖

五古

四

徒僕僕爾縱不讀書對此可免俗

九月百卉靡秋鞠蕊始結天生冷落花西風吹不
熱愈瘦愈精神一身皆傲骨淡泊情斯長霜中開
不絕回首桃李花芳華久消歇人生慎操持所貴
在晚節

憶昔洲上客贈余鼠姑花強將富貴根移栽貧士
家旣不勤灌溉復無棚屋遮花開日漸瘦荆棘傷
根芽季倫居茅茨奚從施繁華玉嬌爲農婦顏色
無人誇雅俗本殊境慎勿位置差

書蒲快亭什南園遺稿後

詩人塞寰宇著作纍萬千生前互標榜沒世無人
憐山陽快亭叟修髯如坡仙讀書識奇字腹笥何
便便來主講舍席門墻桃李妍草堂日過訪文酒
相畱連五十始釋褐得官如鄭虔濯足滄浪亭放
歌靈巖巔昔予遊鄧尉握手梅花前下君南園榻
餉予苜蓿筵別後音耗絕屈指十數年懷君得噩
夢君已歸重泉貧宦囊如水買棺無俸錢詩骨埋
何處揚州芍藥田聞君捐館後草草櫬南遷何暇
草堂詩贖

五古

五六

問遺稿漉軼如雲煙南州有心士散珠一線穿日
昨阿堵來

謂毛子
喬孝廉

贈予南園篇展卷對亾友縱橫

涕淚漣著書亦故紙可傳可不傳千秋享帚名聞
幽須後賢

題繆友堂水西園圖冊

名山不過江江北無卷石水亦多濁流寸壤皆鹵
斥君具經濟才而抱山水癖慨然作壯遊輪蹄徂
南北朝登黃金臺暮捧錢塘檄好水與好山到處
蠟雙屐靈運守永嘉探奇鑿山骨白傅戀西湖題

詠盈卷冊人地雖懸殊同此宦遊跡今君解組歸
菟裘營轉力北郊得曠原親手剪荆棘四圍開長
渠源可通潮汐種樹代繚垣繁陰翳蒼碧一簣九
仞山不藉巨靈擘亭聳翠微巖時有雲棲息循山
澹平池清流深數尺紅蓮翠藻間游鱗恣出没臺
榭十數椽位置地屢易梧竹已成林桃梅若錦織
瓜圃間豆棚村墟綴景色取徑紆且長喜曲不喜
直一幅雲林畫平遠見奇特一篇昌谷詩別將生
面闢園成繪爲圖徵詩纍千百往來看竹人畱題
草堂詩贖

五古

七

滿四壁西園與餘園

餘園乃君家
司寇公舊址

辦香承一脉他

日修邑乘又增此勝蹟惜君負名園終歲幾賞識
猿鶴見主人反疑爲生客我亦有草堂近在西河
側印壑苦無多相形殊逼窄待君塵坱清我亦耽
幽癖願移聽雨床來接眠雲席養疴還著書閉關
共晨夕

道光乙酉上巳日鄒生美鏐復與芸香詩社

偕羅夏園

克俊

王左亭

輔

夏紅舫

蘭

謝學

夫登仕

顧載之

允厚

戈蘭仙

金銘

鄒庶徵

念基
蕭選樓瑞生李柱才祇臣趙漁亭瑜

釋慶延沛也芝山舍雅集卽事分韻

一春僅九旬佳辰約四五節序一朝并土已兼穀
雨東風作微陰濕雲壓禪宇悄寒勒名花鼠姑香
未吐禊事久不修賴有後賢補初地尋芝山咫尺
魚鹽浦精藍聳崇樓登眺恣仰俯西溯龍塹波南
對鳳城堵行樂幸及時次第招吟侶一衲如遠公
蓮社東道主特地酒禁開無遮會重舉列座多少
年詩龍與酒虎中有兩白頭健步籐不拄儼然掌

草堂詩賸

五古

八

院僧說偈揮松塵問難遇辨才

蕭選樓
趙漁亭

枯腸搜轉

苦羣唱協宮商孤調變徵羽日暮設廣筵觴政開
旗鼓老子興復豪醉學醯雞舞所悵遲暮催斜日
已過午人生幾兩屐樂事每多阻復約待晴暄歡
塲排日數瓠樸會重聯一水西河滸

西河草堂詩贖

七古

泰州葉兆蘭古軒氏

題太白采石泛舟圖

脫鞞朝辭華清闕揚帆夜看西江月錦衣玉貌兩
少年爾時意氣凌飛仙大聲放歌杯在手江水橫
流月倒走夜深人靜風露清長風送客登蓬瀛人
才轉眼都凋謝江山尺幅畱圖畫祇有當年舊酒
星萬古長照江天青

觀虎歌

草堂詩贖

七古

一

乾隆丙申年春北方健兒數人以木籠載
虎來邑昇諸市觀者如堵健兒弄虎之技
奇險百出得錢盈萬陳子柳門銘邀余往
觀因作此以紀

健兒搏虎如搏豕真入虎穴得虎子檻虎遍遊五
都市手持虎鬚撓虎耳虎目眈眈但怒視更以頭
顱觸虎齒虎饑欲吞不吞腥涎流不止觀者給錢
駭欲死健兒笑曰吾技不止此或疑虎性馴虎性
不馴能噬人或疑虎性愚虎性不愚能負嵎此虎

亦爲饑驅苦俵不導虎虎目瞽一朝失足入牢籠
英雄無地可用武我惜健兒虎頭燕領何昂長引
虎衛身害難防胡不縱虎南山去荷戈負弩趨邊
疆君不見周孝侯殺虎從戎名千秋又不見李將
軍北平射虎天下聞男兒立志何患無出身亟須
改行毋遂巡死裹馬草生圖麟勝作江湖弄虎人

乞兒行

六街閉戶風雪急僂僂乞兒簷下立穉子跣足妻
蓬頭三日一餐命呼吸誰知原是舊王孫卅年富

草堂詩贖

七古

二

貴如浮雲還將往事逢人說父老驚心不忍聞爲
言家世本齊魯父擁雙旌守茲土堂堂刺史生死
權一時苛政猛於虎催科那惜民力殫逢迎能結
大吏歡居然報策考上上從此官如磐石安上千
天怒灾祲應饑寒交逼蒼生病救荒不繪流亡圖
養奸偏活萑苻命夜半飛來霹靂符全家催上廣
柳車聲仗雲散道路死覆巢完卵遺此孤孤兒生
染膏梁習昨日鳴鐘今乞食一飯竝無漂母憐短
簫空下吳門泣舊時牙爪曾受恩相逢不顧如路

人要知刺史旣負國若輩負心何足論吁嗟乎惡
蛇猛獸食人肉遺害不如貪吏毒請聽蓮花一曲
歌償爾當年一路哭

同社分詠唐書外傳故實得紅拂遇虬髯

美人夜半辭金屋萍水書生成眷屬旅鷄喔喔催
晨粧七尺春雲委地綠客從何來殊突然酣睡乃
在臥榻前豬韉鹿劍貌猙惡神威灼灼驚嬋娟粧
罷從容前致意一語頓成骨月契奩金百萬佐軍
資入關同定風雲計此日中原正縱橫好將赤手
草堂詩賸

七古

三

圖功名蛟龍入海虎生翼有志男兒事各成吁嗟
乎髯過太原人不識藥師越公交臂失輸與階前
執拂兒收盡英雄大眼力

李將軍

長庚

海洋擊賊歌

普陀山前戰鼓急將軍大破弓刀賊窮追直入漁
山洋萬礮齊開海水赤賊乘大舶勝堅城舵樓十
丈旌旗明將軍夜定掌中計一炬火燒赤壁兵四
鎮受令如山重水犀甲伏三千眾算策一聲陣腳
開戈船百道圍無縫別有一軍如生龍返蓬倒走

擊下風賊船尾大掉不及霎時背腹齊受攻小校
暗放連珠矢絳幘紛紛墜水死渠惡雖逃釜底魚
潰師已墮舟中指將軍眼底無羣鼠誓縛長蛟蕩
水府浴血轉戰氣如雷身着六創無痛楚同安船
小賊船高以高視下逸待勞將軍兩臂如着翅飛
身殺賊血滿刀黃盤洋外颶風起白鶴師迴賊遁
矣將軍此戰十年無日走大洋八千里捷書飛上甘
泉宮 詔還孔翠珊瑚紅指日凌煙入圖畫飛將
軍配海澄公

草堂詩贖

七古

四

賑廠歌

十歲九熟纔一荒闔城乃無百日糧死填溝壑生
背鄉有司撫卹拘成章有錢不能接青黃有賑更
延時日長誰拯萬命離火湯慨然義舉倡陞商卹
鄰大開揚州倉紛紛移粟汎舟航北山光孝兩地

內廠在光孝寺
外廠在北山寺

內廠外廠城爲疆萬席蓋棚生

陰涼縱橫亂竹編蜂房長官條示何煌煌黃旂大
書賑流亾羣蟻奔逐趨兩廂持籌抱斛職事詳鳴
鉦唱數沙夜量城中二鼓夜未央城外饑民心惶

惶挈老負穉舉國狂鳩形鵠面羸且厄蟣蝨纍纍
無完裳呵氣成雨汗流漿地獄變相天無光餓鬼
來赴水陸塲礮聲震地旂飛揚厥門大開官登堂
萬足爭道如怒蝗前人顛撲後排牆踐踏迅於馬
脫韁就中衰病兼跛盲終夜缺血鳴饑腸一蹶那
得無殘傷九十九屍橫道旁米錢在手十指僵塵
土滿面口猶張家人伏地號耶娘乞得一棺埋北
邙凶年民命真尋常三合粟與兩孔方吁嗟乎凶
年民命真尋常

草堂詩贖

七古

五

苦寒嘆

霜天月色白於紙銅龍淚枯玉蟲死草堂老人夜
呻吟布衾敗絮如潑水天亦來欺衰病身苦寒先
從衽席始平生熱不肯因人燠體翻教累妻子妻
子勸勿怨苦寒苦寒之人苦倍蓰君不見聳肩踞
喞葛衣兒雪中負薪血滿指又不見白髮偃樓推
車翁赤足走走水冰割趾洛裘廣廈事本難火鼠永
蠶勿自恃寒到極時春自回請抱冬心姑耐此

禰正平作鼓吏歌

丞相開筵賓從集兩行甲士橫刀立有酒無樂客
不歡堂上大呼鼓吏入鼓吏原是清白身裸衣打
鼓旁無人當筵痛數滔天罪勝擊登聞叩九闔罵
聲愈高鼓聲激滿座曠聾驚霹靂壯哉漁陽三美
聲抵過陳琳一道檄丞相殺人如兒戲何惜區區
一鼓吏後來黃祖帳下刀焉知不出阿瞞意吁嗟
乎士可殺不可辱德祖枉作權門僕主簿何如鼓
吏榮雙桴已奪奸雄魄莫以嫚罵尤狂生狂生之
狂神鬼驚至今鸚鵡洲邊水猶作淵淵金石聲

草堂詩牘

七古

六

春社詞

杏花壓屋桑陰籠邨祠祈穀迎社公紙爲袍笏芻
作馬丹龕畫壁除塵封家家釀錢作高會萬香在
手春雲濃瓦盆注酒味清冽杯盤錯雜雞豚豐父
老長跪祝神貺男婦羅拜歡兒童占罷雞骨各竦
聽金銀火化靈旗風銅弦錚錚鼓亞亞盲詞巫曲
歌神功神降神歸仗巫力雲旂風馬虛無中日暮
紛紛逐隊散粉榆燈影星星紅歸途一幅昇平景
處處逢人扶醉翁

贈焦山借庵上人

退院老僧霜滿頭
七斤破衲春復秋
作詩不許外人見
題遍三層法界樓
毒龍入鉢獅登座
三乘禪機都勘破
震耳潮音如不聞
夜深獨抱白雲臥

題太真春睡圖

玉環夜侍沉香宴
日高嬾出華清院
宿醒未消粧未成
繡衾半展香軀倦
海棠着雨嬌不支
梨花壓夢春雲癡
侍兒倚帳不敢喚
翻累君王立許時
君王終日睡鄉裏
雙宿雙棲呼不起
豈祇樓東人獨

草堂詩贖

七古

七八

眠長枕大被亦如水
吁嗟乎漁陽野鹿來
宮庭角聲驚破花間鈴
馬嵬坡前一抔土
終古長眠喚不醒

西河草堂詩贖

五律

泰州葉兆蘭古軒氏

謁吳野人先生墓

草澤求賢日先生獨閉門
出山名士賤易世布衣
尊碑碣荒原臥詩文劫火存
東淘抔土在落日一
招魂

甲子四月復游焦山宿水晶庵

塵世風波外重來認舊游

辛亥予借王荔堂游焦山畱宿七日

江山

憐我老蜎鶴勸人畱雲氣寒生座濤聲夜撼樓石

草堂詩贖

五律

床清睡足無夢到揚州

登觀音厓

危棧穿雲上平臺放眼時煙深歸鳥沒江濶夕陽
遲洞訪畱仙跡碑摹弔古詩

半山有陸放翁碑

碧江峰咫尺籐杖苦難支

落葉

老樹有危色蕭蕭葉解柯高原風氣變空谷雨聲
多不信摧殘盡其如衰暮何故根歸亦得幸免逐
頽波

龍江舟中

擊楫下中流平生此快游張颿犇馬疾吹遂老龍
愁紅樹排江驛青山逐航樓翻熈風太利好景未
勾畱

贈桐城方葯堂

桂

往事浮雲散餘生碩果存三吳名士長五世黨人
孫白首無歸計青袍有淚痕重逢殊不易努力對
清尊

澗庵題壁

菴在眞州江口

草堂詩贖

五律

二

一徑入深竹蒼然幽象生冷風吹佛火破壁走江
聲地絕遊人跡碑題勝國名詩成畱不得落日下
孤城

眞州寓樓病後有感

西風吹暝色扶病強凭欄疏竹弄秋雨空庭生暮
寒音書經歲斷眠食藉人難况復嗟衰老蕭蕭雙
鬢殘

讀黃仲則先生兩當軒詩集

一視大於箴超然寄此生

集首有視箴圖論才原國士傳

世僅詩名珠玉隨風散江山得氣清荷戈遺集在

洪穉存太史有荷戈集傳世歌哭總同聲

蒼涼兼俊逸搖筆欲干霄太白樓頭月靈胥海上

潮太白樓詩前後觀潮行皆集中傑作不畱多著作已識古風標曠

世遙相感游魂共一招

輓徐鶴峯

鶴峯名觀興化人能詩善飲尤工鐵筆作

客三十餘載狂傲不遇死於吳陵僧舍同

社殮而墓之

草堂詩賸

五律

三

滿眼飄零客傷心只鶴峯貧無人敢問狂到佛難

容一尺懷中刺三年飯後鐘那堪霜雪劫苦逼歲

寒松

死亦應無憾生原不解愁果然泉下好只當客中

游遺挂藏芸社交情感麥舟我非諛慕者此淚爲

君流

製棹

余年五十五百境歷艱辛齒髮有衰色琴書無替

人病如楊厄閨生亦草棲塵早學禪門法營龕趁

及身

百歲終須用誰云製不祥松杉親手選尺寸等身
量未設游仙枕先熏辟垢香更畱餘地步筆硯好
安藏

設色加丹漆題禾自忖論名原同草賤人或以詩
存蓋後誰千古生前酌一尊尸居餘氣者事事待
兒孫

詩成誰共賞報與許渾知謂筮原老境憐同病交情

見此時不求諛墓誌只索製棺詩月旦從公定千

草堂詩贖

五律

四

秋筆一枝

送李少白琪歸皖

歷盡風塵味空餘老下身蛾眉多見嫉龍性本難
馴客久車裘敝年荒筆墨貧翻然作歸計堂上有
慈親

楊柳綠如許春愁滿路歧重來雖未必相見豈無
期所惜俱衰老能經幾別離數聲風簾起落日大
江滄

秋塞

戰後陣雲平沙寒草不生一雕盤雨上萬馬逆風
行戍險邊笳急山空獵火明夜來尋虎跡已遍受
降城

庚午暮春客邗上張老董鏐招同金陵凌芝

泉霄桐城江素山詡甘泉許蔬庵祥齡黃

小秋金集春草盒分得五律二首

不知春草外有路到林亭
蟻鶴迎詩客江湖聚酒
星看山如讀畫題竹當鑄銘
幽興正無極重城柝
怕聽

草堂詩賸

五律

五六

重剪虛堂燭停杯有所思
才甘三舍避交恨十年
遲客本非張儉謂芝泉人爭說項斯
低徊無限意只有落花知

小住

小住心無事禪房幽興添
焚詩當佛懺斷肉比僧
廉茗灶虛文火經厨補廢籤
蒲團香燼後花影上
疏簾

小住心無事行行豈偶然
抱琴逢野衲吹笛上湖
船聊爾隨游屐何須問酒錢
十三樓下過人喚海

小住心無事懷人不自由同看今夕月獨在最高

樓時俞澄夫亦客郡城未得一臨鴻雁來何暮江湖水自流緩歸

知有待藉訪菊花秋

老薑冒雨過寓並贈二律依韻答謝

故人踏雙屐來話客窻寒詩卷出懷袖交情見肺

肝莫嗟同調少總覺論才難品論各詩慷慨平生事悠

悠悔汗漫

坐从忽不樂行將事遠遊老薑將赴淮北江淮三百里風

草堂詩贖五律七

雪一扁舟欲唱公無渡空言我亦羞相期歸及早

閉戶訂千秋

王柳村諱過訪賦此以贈

東閣徵書記吳陵駐客軒伊太守聘修郡志因來泰州采訪軼事榻

常畱野寺竹愛看螺園草堂園名倒篋搜詩稿登床問

病源來視予疾并索詩稿甚急死生交在此感激竟忘言

媿我十年長輸君一味閒家開小壇坵門對好江

山俠氣嘗原上詩才鮑謝閒只因聲譽廣未許閉

廖家嘴望海

海壖如絕壁放眼正茫然萬水中分界

地有分水龍王廟

三山外有天魚鹽爭利數魑魅雜人煙我欲乘槎去風波未敢前

一齒落

余全齒盡落僅存一小者今復落矣作此

誌衰

一齒成何用何妨並去之六根都已淨孤注本難支舌在空言愧唇亡後悔遲從今嘗世味甘苦只

草堂詩膽

五律

八

心知

病中吟

浮生何太速鬚鬢忽添霜老病言防忌窮愁事健忘醫多欺世語靜或養生方若道回春易天應無夕陽

夜長秋夢短寒氣逼衾窩僵臥生疑死哀鳴哭當歌已知來日少翻厭此生多忽聽晨鐘動塵心付逝波

乙酉秋日美鏐約同人養閒齋小集

昔年高會地久不叩柴關
舊雨重聯社歸雲又出
山詩將花比瘦人與鶴
俱閒老興居然健幾忘兩
鬢斑

新月漸當階開樽各暢懷
飛籌分酒令數典代詩
牌交誼忘年訂歡場計日
排重陽佳節近看菊過
蕭齋

草堂詩賸

五律

九

